



**Ecclesiasticae Historiae, Et Dicta, Inprimis Memorabilia,  
Christi, Apostolorum, Martyrum, Confessorum, Doctorum,  
& hostium veteris Ecclesie: singulari iudicio, & pio studio,  
ex Eusebio Cæsariensi ...**

**Eusebius <Caesariensis>**

**Haer. Chr. Egen., 1571**

**VD16 E 4284**

4. Responsio Christi ad Abgarum, ibidem.

---

[urn:nbn:de:hbz:466:1-69335](#)

Cœlestis mundo tradis quòd dogmata vita,  
 Morborum verbo tollis & omne genus.  
 Claudis quòd gressus, cæcis quòd lumina reddis,  
 Immundos lepra quòd scabieq; leuas.  
 Dæmones expellis, vexantes corpora tetros,  
 Eloquium mutis restituisq; citò.  
 Defunctis reddis vita quòd munus & usum,  
 Omnia qua verbo facta stupenda facis.  
 His ego diuinis gestis adducor, ut altis  
 Te missum è cælis augurer esse Deum.  
 Siue Dei genitum cœlesti semine gnatum,  
 Qui specie humana talia tectus agas.  
 Est q; tua, ut referunt, bonitati iuncta potestas,  
 Qua cunctos summo sape labore iuuas.  
 Ergo etiam accedas, rogo, me, clarissime Iesu,  
 Eg; meo morbum corpore tolle grauem.  
 Quo miser hac longo conflictor tempore terra,  
 Ars mihi quem medici tollere nulla potest.  
 Et fama est istis dirum quòd vulgus in oris,  
 Te velit eximium fraude necare virum.  
 Vrbs licet angustis mihi sit circundata muris,  
 Hæc tamen hospitium dulce duobus erit.  
 Hac poteris mecum tutus requiescere in yrbe,  
 Exigui regni portio clara mei.  
 Hæc Syria Abgarus Christo Rex scripsit Edeffa,  
 Talia cui Christus verba benigna refert.

#### 4. RESPONSIO CHRISTI ad Abgarum, ibidem.

Beatus

**B**atus es, quia credidisti in me, cùm ipse Esai. 52.  
 non videris: Scriptum est enim de me:  
 Quia hi, qui m<sup>e</sup> vident, non credent in  
 me, & qui non vident me, ipsi credent & vi-  
 uent. De eo autem quod scripsisti mihi, vt ve-  
 niam ad te, oportet me omnia, propter quæ  
 missus sum, h̄ic explere, & posteaquam com-  
 pleuero, recipi ad eum, à quo missus sum.  
 Cùm ergo fuero assumptus, mittam tibi ali-  
 quem ex discipulis meis, vt curet ægritudi-  
 nem tuam, & vitam tibi atq; his, qui tecum  
 sunt, præstet.

*Est Syria Eois tua Rex charissime, ab oris  
 Ad nostras nuper littera missa manus.  
 O nimium felix, ô terq; quaterq; beatus,  
 Pra quām si teneas totius orbis opes.  
 In me quād credis, quem non tibi cernis adesse,  
 Et petis auxilium præsidiumq; meum.  
 Qui mihi confidit quocunq; in tempore & oris,  
 A me consequitur, qui bona cunq; petit.  
 Quād petis, vt vestras veniā, Rex inclyte, ad oras,  
 Atq; offers regni commoda cuncta tui,  
 Gratum est: sed vestras me nunc accedere terras,  
 Non sunt officiū tradita cura mei.  
 Hoc est officium summi, est hæc sancta voluntas,  
 Aetherea qui me misit ab arce patris.  
 Ut Solyma moriar, generi reparemq; salutem  
 Humano, vitam restituamq; nouam.*

B 5

*Mortuus & surgam victo rediuius & orco,  
Et repetam patris cœlica regna mei.  
Ad patris dextram sedeo cùm victor in astris,  
Et teneo pedibus cuncta subacta meis:  
Vnum ex discipulis mittam, qui numine nostro  
Aegroto sanet vulnera longa tibi.  
Offerat atq; tibi veram populo q; salutem,  
Indicet & vita non peritura bona.  
Abgaro Christus dedit hæc responsa benignus,  
Eusebij ut celebris pagina vera refert.*

5. DICTVM TATTHAE I APO-  
stoli, ad Abgarum aurum ipsi & munera  
offerentem pro doctrina & miraculis,  
qui illis recusatis respondisse  
fertur:

**S**i nostra reliquimus, quomodo accipie-  
mus aliena?  
*Iudaicus clarus doctrina Christus in oris,  
Et signis toto notus in orbe fuit.  
Abgarus famam cuius Rex audit Edessa,  
Fœcundo Syriæ quâ iacet ora solo.  
Rex igitur morbo decumbens clarus atroci,  
Hunc Dominum credens ad sua regna vocat,  
Ut sanet longum languenti corpore morbum,  
Namq; Machaoniam non tulit ullus opem.  
Denegat aduentum Dominus, quod iussa parentis  
Cœlestis Solymæ sint peragenda sibi.*

*Iussa*